

采芳隨筆卷十七

北平查 彬伯堃輯

枇杷花餘品也樹高丈餘葉長如驢耳背有黃毛形似琵琶故名四時不凋冬開白花三四月成實簇結有毛大者如雞子小者如龍眼白為上黃次之建業人誇其色曰蠟兄一名炎果三柳軒雜記以枇杷為麤客東坡以為即盧橘者誤唐司空文明曙枇杷葉詩云傾筐呈綠葉重疊色何鮮詎是秋風裏猶如曉霧傳仙方當見重消疾未應便全勝甘蕉葉空披謝氏篇羊資州枇杷花詩云珍樹寒始花氤氳九秋月佳期若有待芳意常無

絕媚媚碧海風濛濛綠枝雪急景有餘妍春禽自流悅
宋宋景文批杷云有果產西蜀作花凌早寒樹繁碧玉
葉柯疊黃金丸上都不可寄味咀獨長歎司馬溫公枇
杷洲云周官斂珍味漢苑結芳根何意荒洲上猶餘嘉
樹存犯寒花已發迎暑實尤繁願逐葡萄使離宮奉至
尊周益公句云昭陽睡起人如玉粧臺對罷雙蛾綠琉
璃葉底黃金簇纖手拈來嗅清馥可人風味少人知把
盡春風夏作熟范石湖手植枇杷云枇杷昔所嗜不問
甘與酸黃泥裹餘核散擲籬落間春風拆勾萌樸檉如
榛管一株獨長成蒼然齊屋山去年小試花瓏瓏犯冰

寒化成黃金彈同登桃李盟大鈞播羣物斡旋不作難
樹老人何堪挽鏡覓朱顏頷髭爾許長大笈歌巾冠元
程恭公題畫枇杷云翠葆擎珠琲金丸貯蔗漿雪中記
高樹花發傲羣芳柳道一貫畫枇杷云四月江南盧橘
熟離離佳實滿枝黃丹青偶向圖中見清蜜猶思配一
觴明高季迪東邨蘭若見枇杷云落葉空林忽有香疎
花吹雪過東墻居僧記取南風後留箇金丸待我嘗楊
孟載枇杷圖云盧橘當年出漢家誰將名字雜枇杷風
枝露葉金盤果盡是僧房雪後花李西涯枇杷云尚方
珍果賜新嘗分得江南百顆黃遠道不妨經月暑冷枝

疑帶隔年霜龍箋帖罷名初散翠籠開時手亦香歸領
君恩薦家廟不禁清淚滿衣裳沈石田詩云誰鑄黃金
三百丸彈胎微溼露溥溥後今抵鵲何消玉更有餉漿
沁齒寒吳原博詩云吳船入貢泝江濤分賜儒臣幸此
遭卧病謾思新橘柚退朝休賦舊櫻桃珍竒未惜初加
惠淺薄無能莫效勞箸籠曉來傾瀉處金丸錯落駭兒
曹于慎行詩云嘉名漢苑舊標竒壯客由來自不知綠
萼經春開籠日黃金滿樹入筐時江南謾道珍盧橘西
蜀休稱薦荔枝千里梯航來不易懷將餘核誌恩私近
時王漁洋宣和御墨枇杷圖云盧橘蒼蒼橫榦起故印

依稀識天水風枝雨葉不關愁慘淡如披靖康史宣和
文物劇風流繡褫錦贖窮千秋畫學歲收五嶽觀圖書
盡識太清樓盛衰轉瞬如飛電牟駝岡上紛刀剪紫筠
花木摧為薪西風落日青城殿此本流離出禁庭過江
千載歎飄零昔日興亡如在眼還同麥飯哭冬青又題
葛一龍枇杷云洞庭詩人葛震父畫成盧橘亦清蒼想
他縹緲峰頭坐快寫西林五月黃吳梅村浪淘沙詞云
上苑落金丸黃鳥綿蠻曉牕清露溼雕盟恰似戒珠三
百顆琥珀沉檀纖手摘來看香色堪餐羅衣將退玉漿
寒怕共翠圓同薦酒學得此酸

附錄楊梅一名杔子會稽產者為天下冠冬月不凋二月開
花結實如楮五月熟生白熟則白紅紫三色紅勝于白
紫勝于紅地瘴處多生之雲仙雜記以為日精東坡詩
注呼白楊梅為聖僧東坡詩云新居未換一根椽只有
楊梅不直錢莫共金家鬪甘苦參寥不是老婆禪平可
正詩云五月楊梅已滿林初疑一顆價千金味方河朔
葡萄重色比瀘南荔子深飛艇似聞新入貢登盤不見
舊供吟詩成欲寄山中友恐起頭陀愛渴心陶商翁詩
云嶺北土寒無荔子人言形味似楊梅翠條丹實休相
學不願紅塵一騎來放翁詩云綠陰翳翳連山市丹實

累累照路隅未愛滿盤堆火齊先驚探領得驪珠斜簪
寶髻看遊舫細織筠籠入上都醉裏自矜豪氣在欲乘
風露摘千株又詩云山前五月楊梅市溪上千年項羽
祠小繖輕輿不辭遠年年來及貢梅時隔歲租園不計
錢楊梅海裏過年年癡人只竟閒名利那信三山是地
仙山中戶戶作梅忙火齊驪珠入帝鄉細織筠籠相映
發華清虛說荔枝筐朱新仲謝惠楊梅云杭州金氏越
州楞撒火飛星五月春百果若真推貢士風流應不下
平津岳肅之珂詩云滄厯三家市梅垂萬顆酸雲池看
火樹嶁室試金丹風露盈籃重冰霜透齒寒他楊應不

類留與子雲看楊誠齋詩云越絕諸楊盛一時與儂
瓜不曾知一夫自歎吾衰矣此客何從夢見之也解過
江尋德祖政緣作尹是邱遲渠伊不是南村派未分先
驅事荔枝梅出稽山世少雙情知風味勝池楊玉肌半
醉生紅粟墨暈微深染紫囊火齊堆盟珠徑寸醴泉浸
齒蔗為漿故人解寄吾家果未變蓬萊閣下香張功甫
白楊梅云興高圍雪綴珍叢彈火燒林一洗空驛騎不
供妃子笑冰姿猶勝荔枝紅徐竹隱詩云火齊無光荔
實圓未嘗先說齒流涎喚回天竺三年夢參透披雲一
味禪方秋崖詩云五月梅晴暑正祥楊家亦有果堪攀

雪融火齊驪珠冷粟起丹砂鶴頂殷併與文園消午渴
不禁越女感春山畧如荔子仍同姓直恐前身是阿環
又詩云筠籃帶雨摘初殘粟粟生寒鶴頂殷衆口但便
甜似蜜寧知竒處是微酸明錢鶴灘福詩云怪殺吳人
不出鄉楊梅五月薦新嘗西州一斗葡萄酒南越千頭
荔子漿略著些酸醒酒困了無點滓洗詩腸渠家妃子
如相見添得紅塵一倍忙沈啓南畫楊梅云西山有雨
楊梅熟東老無詩口舌乾珍重故人知此意高林摘寄
紫瑛九李西涯賜楊梅云官河催載滿船冰五月楊梅
入帝京沁齒不知紅露溼到詩偏助玉堂清名送傳鼎

遙分派價比隋珠亦稱情再拜文華門外地講筵恩重
若為榮徐華亭句云三春葉底青丸小五月枝頭頰彈
圓折來鶴頂紅猶濕剗破龍睛血未乾近時趙谷林詩
云微楞刺口檢冰奩百顆中邊一味甜白皆可憐生越
女不將線紫薦紅頰五月江鄉正作梅齋裝千擔健帆
開蕭寥昔日香山老合伴題詩孤館來水沈寒色染胭
脂千貫珠丸乞定窵上品勻番誇月曬幾回紅想試燈
時剗溪遊侶認簪星香重雲鬟幾葉青風味過江殊不
惡阿誰來賞到皋亭繁華舊夢銷清夏無復苑冰染指
寒生香壓擔吟復嚼好句不落梅公酸宋陳舜翁南柯

子詞云德祖家珍熟錢塘五月中碧梧桐翠蓋筠籠傾
向水晶盤內鬪嘗空絳粟成團小清甜笑蜜濃微酸猶
解慘人容最是玉纖撚處染輕紅王觀浪淘沙詞云素
手水晶盤疊起仙丸紅綃碾碎却成團安得密排金粟
徧何似雞冠味勝玉漿寒只怕宜酸莫將荔子一般看
色淡香消僂僂損纔到長安元張伯雨燕山亭詞云鶴
頂珠圓蝟肌粟聚寶葉揉藍初洗親剪翠柯遠贈筠籠
脉脉紅泉流齒骨換丹砂笑尚帶儒酸風味誰記曾問
譜西泠綠陰青子君家幾度樽前摘天上繁星伴人同
醉纖手素盤歷亂殷紅浮沉半壺脂水珍果同時惟醉

寫來禽青李爭似為越女吳姬染指近時陳其年一叢
花詞云江城初泊洞庭船顆顆販勻圓朱櫻素奈都相
遜家鄉在消夏灣前兩崦蒙茸半湖幕厖籠重一帆偏
買來恰趁晚涼天水井小亭軒粧餘浴罷春蘚濕粉裙
上幾點紅鮮莫是明朝有人低問羞暈轉嫣然朱竹垞
白楊梅東風策一枝詞云鳧鳥歌殘蓴絲擷罷冰厨夏
果須薦卑枝壓地無塵繁陰滿園如繖涼柯新剪早水
市筠籠傳徧問隔江誰送輕帆鶴頂半山翻賤便流齒
瓠犀詎軟便入手葱根不染任教肌粟長生愁他翠盤
頻轉玉容消暑竄憶是湘湖南畔怕餐來晚飯都忘莫

被柁樓人見褚石農人獲楊梅核猴西江月詞云楊氏
昔稱家果沈郎幻作野賓色殷毛短直生成酷傀獼猴
形影瘵足玉嶷遺臭觸奸唐史留馨形骸雖具木難升
智動化為仁靜

鋤

荔支一名丹荔一名離支一名釘坐真人樹高數丈自
徑尺至合抱形如帷蓋葉如冬青四時常茂花青白開
于二三月狀如橘五六月結實喜雙殼有皴紋如羅生
青熟紅肉澹白如肪玉味甘多汁有紅紫黃綠等色以
閩中為第一蜀次之嶺南為下其類有陳紫大紫小陳
紫方紅宋公荔支周家紅龍牙游家紫水荔支藍家紅

法石白江綠一品紅大丁香綠核將軍荔支朱柿虎皮
牛心玳瑁紅硫黃何家紅圓丁香十八娘蕙團釵頭顆
珍珠荔枝粉紅荔枝丁香荔支蜜荔支火山荔支秋元
紅蚶殼蒲桃荔支鄭熊廣中荔支譜有玉英子燠核沈
香丁香紅羅透骨牂牯僧耆頭水母子蒺藜大將軍小
將軍大蠟小蠟松子蛇皮青荔支銀荔支不意子火山
野山五色荔支徐煥荔支譜有一品紅狀元紅駝蹄金
櫻粟玉洞中紅星球紅饅頭磨盤金線鳳池超中冠桂
林金鐘滕畫鑛玉綠珠一名紅繡鞋龍牙雞引子天柱
山中冠馬先白山金鐘中秋綠松柏蕾勝江萍一名淨

滿林香鷺卵蜜丸鵲卵白蜜醋甕將軍帽雞肝牛膽皺
玉郎官紅游丁香紫瑤百步蘭壽香西紫黃香瑞堂紅
松紅麝囊紅黃玉玉堂紅延壽紅綠紗青甜霞墩荔支
蔡宅紅水溜宋家香黃石紅星垂七夕紅馬家綠鼈卵
綠衣郎黑葉麻餅椰鐘進貢子半中南海陳紅冰團大
綠小綠余家綠等種又有湘枝正體連理側生等類而
王敬美以狀元香為第一自白樂天作荔支圖蔡端明
作荔支譜後明徐煥屠本峻黃履庚曹蕃宋珏鄧慶霖
林古度皆有譜鄭熊又有廣中荔支譜蔡端明以為果
中第一東坡方之江瑤柱歐陽文忠方之花中牡丹說

者謂當以林檎為兄石榴為弟龍眼為奴唐杜工部解
悶詩云憶過瀘戎摘荔枝青楓隱映石逶迤京中舊見
無顏色紅顆酸甜只自知翠瓜碧李沉玉甃赤梨蒲萄
寒露成可憐先不異枝蔓此物娟娟長遠生側生江岸
及江蒲不熟丹宮滿玉壺雲壑布衣駘背死勞生害馬
翠眉須戴幼公叔倫荔枝詩云紅顆珍珠誠可愛白鬚
太守亦何癡十年結子知誰在自向中庭種荔枝樂天
寄荔枝詩云摘來正帶凌晨露寄去須憑下水船映我
緋衫渾不見對公銀印最相鮮香連翠葉真堪畫紅透
青籠實可憐聞道萬州方欲種愁君得喫是何年又詩

云竒果標南土芳林對北堂素華春漠漠丹實夏煌煌
葉捧低垂戶枝擎重壓墻始因風弄色漸與日爭光夕
訝條懸火朝驚樹點粧深於紅躑躅大較白檳榔星綴
連心朶珠排耀眼房紫羅裁襯縠白玉裹填鞦早歲曾
聞說今朝始摘嘗嚼疑天上味歟異世間香潤滕蓮生
水鮮逾橘得霜燕支掌中顆甘露舌頭漿物少尤珍重
天高苦渺茫已教生暑月又使阻遐方粹液靈難駐妍
姿嫩易傷近南光景熱向北道途長不得充王度無由
寄帝鄉唯君堪擲贈面目見潘郎又荔支樓對酒云荔
支新熟雞冠色燒酒初開琥珀香欲摘一枝傾一盞西

樓無客共誰嘗杜牧之華清宮詞云長安回首繡成堆
山頂千門次第開一騎紅塵妃子笑無人知是荔支來
鄭雲台荔支樹云二京曾見畫圖中數本芳菲色不同
孤棹今來巴徼外一枝烟雨思無窮夜郎城近含香瘴
杜宇巢低起暝風腸斷渝瀘霜霰薄不教葉似灞陵紅
薛長史詩云顆如松子色如櫻未識蹉跎欲半生歲杪
監州曾見樹時新入座久聞名韓致光詩云遐方不許
貢珍竒密詔惟教進荔支漢武碧桃爭比得枉令方朔
號偷兒封開玉籠雞冠澀葉襯金盤鶴頂鮮想得佳人
微啓齒翠釵先取一雙懸巧裁霞片裹神漿崖蜜天然

有異香應是仙人金掌露結成冰入蒨羅囊徐昭夢詩
云朱彈星丸燦日光綠瓊枝散小香囊龍綃殼綻紅紋
粟魚目珠涵白膜漿梅熟已過南嶺雨橘酸空待洞庭
霜蠻山蹋曉和煙摘拜捧金盤獻越王日日薰風捲瘴
烟南園珍果荔支先靈鴉啄破瓊津滴寶器盛來蚌腹
圓錦里只聞消醉渴蕊宮惟合贈神仙何人刺出猩猩
血深染羅紋徧殼鮮宋徽宗宣和殿荔支云密移造化
出閩山禁御新栽荔子丹玉液乍傳仙掌露絳苞初結
水晶丸酒酣國豔非朱粉風泛天香轉蕙蘭何必紅塵
飛一騎芬芳數本座中看趙清獻詠連理荔支云嘉陽

天遠被薰風荔子呈祥郡館中庇本莫將慈竹校媚時
寧與瑞蓮同並柯晝暎烟光動異幹宵空月影通竒木
幸逢真賞筆誰誇丹實一庭紅蔡忠惠詩云荔子凝丹
摘曉鮮江南來路與雲連託根曾是三山下結實應歸
萬木先鄉國遠攜甘旨重宴堂分玩色香全清才仍更
傳新唱一一驪珠照眼圓又詩云霜鱗分不登枯肆丹
實全應勝木奴欲效野芹羞獻去敢期佳什墜驪珠劉
貢父詩云南州積炎德嘉樹凌冬綠薰風海上來丹荔
迎夏熟煌煌錦繡林亭亭翡翠屋鵠頭爛晨霞天酒瑩
寒玉流聲感華夏採掇如不足開元百馬死漢堠五里

促君王玉食間此薦知不辱迨今糟粕餘猶足驚凡目
憶初成上林四方會竒木使臣得安榴天馬來首著擢
身自幽暇託地幸滲漉我欲咎真宰喟茲限荒服將非
名實雄百果為羞縮區區化工意聊爾存衆族曾子固
詩云剖見隋珠醉眼開丹砂綠手落塵埃誰能有力如
黃犢摘盡繁星始下來玉潤水清不受塵仙衣裁剪絳
紗新千門萬戶誰曾得只有昭陽第一人絳縠囊收白
露團未曾封植向長安昭陽殿裏才聞得已道佳人不
柰寒金釵雙捧玉纖纖星宿光芒動寶奩解笑詩人誇
博物祇知紅顆味酸甜東坡荔支歎云十里一置飛塵

灰五里一堆兵火催顛坑仆谷相枕藉知是荔支龍眼
來飛車跨山鶻橫海風枝露葉如新採宮中美人一破
頰驚塵濺血流千載永元荔支來交州天寶歲貢取之
涪至今欲食林甫肉無人舉觴酹伯游我願天公憐赤
子莫生尤物為瘡痍雨順風調百穀登民不饑寒為上
瑞君不見武陵溪邊粟粒芽前丁後蔡相籠加爭新買
寵各出意今年鬪品充官茶吾君所乏豈此物致養口
體何陋耶洛陽相君忠孝家可憐亦進姚黃花又食荔
支云丞相祠堂下將軍大樹旁炎雲駢火實瑞露酌天
漿爛紫垂先熟高紅挂遠揚分甘徧鈴下也到黑衣郎

又初食荔支詩云南村諸楊北村盧白華青葉冬不枯
垂黃綴紫烟雨裏特與荔子為先驅海山仙人絳羅襪
紅紗中丹白玉膚不須更待妃子笈風骨自是傾城姝
不知天公有意無遣此尤物生海隅雲山得伴松檜老
霜雪自困楂梨麤先生洗盞酌桂醕冰盤薦此蘋虯珠
似開江鱠斫玉柱更洗河豚烹腹腴我生涉世本為口
一官久已輕尊鱸人間何者非夢幻南來萬里真良圖
又云羅浮山下四時春盧橘楊梅次第新日啖荔支三
百顆不辭長作嶺南人穎濱乾荔支云含露迎風惜不
嘗故將赤日損容光紅消白瘦香猶在想見當年十八

孃山谷謝荔支云十年黎棗雪中看想見江城荔子丹
贈我甘酸三百顆稍知身作近南官齋餘睡思生湯餅
紅顆分甘愜下茶如夢泊船甘柘雨芭蕉林裏有人家
橄欖灣南遠歸客煩將嘉果送蓬門紅衣篋積蠻烟潤
白曬丁香之子孫陶商翁詩云五月南游渴欣逢荔子
丹殼勻仙鶴頂肉露水晶丸色應離為火甘殊木作酸
枝繁恐相染樹重欲成圍赤蚌遺珠顆紅犀露角端爽
能消內熱潤可濯中乾桂嶺無霜處梅天暴雨殘闕十
一簇冰蠶繭千苞火鳳冠隔籬銀葉嫩透膜玉漿寒陳
輔臣襄荔支歌云番禺地僻嵐烟鎖萬樹纍纍產嘉果

漢宮墜落金莖露秦城散起驪山火炎炎六月朱明天
映日仙枝紅欲燃自古清芬不能遏留得嘉名為堪仙
上皇西幸楊妃死蠻海迢迢千萬里華清宮闕闕無人
南來不見紅塵起至今榮植徧閩州離離朱實繁星稠
一日為君空變色千里憑誰速置郵可憐錦幄神仙侶
為飲凝漿滌煩暑綺筵不惜十千錢醕酌秦樓桂花醕
秦樓女子繡羅裳鳳簫嗚咽流宮商醉歌一曲荔支香
席上少年皆斷腸鄧肅看荔支詩云荔子有佳品乃在
府城東我來方秀發紅雲幾萬重遙知香味色已具碎
花中凭闌一念足不食意自充人世如夢耳當體色即

空謂是為真實便可侑千鍾謂是為非實真飽亦何從
虛實兩無有樓高雨濛濛郭功父詩云莆田乾荔老楊
妃誰在開元得見之却憶沉香亭北畔輕紅曾照赭黃
衣陳簡齋荔支歎云炎精孕秀多靈植荔子佳名聞自
昔絳囊剖雪出瑤盤尋常百果無顏色閩天六月雨初
晴星火熒熒耀川澤歛如彩鳳戲翱翔若彤雲堆翕
赫中郎裁品三十二陳紫方紅冠儔匹鹽蒸蜜漬尚絕
倫啄瓊空羨南飛翼我聞政和全盛時貢輸不減開元
日涪州距雍已云遠况此奔馳來海側繡衣使者動輶
車黃紙封林徧阡陌浮航走轍空四郊妙品人間無復

得上方供給只纖毫往往盡入公侯宅驪山廢苑狐兔
靜艮嶽新宮鼙鼓急繁華今古共淒涼遶樹行吟悲野
客西風刮地黃塵昏一聽悲笳雙淚滴曾端伯詩云異
方風物鬢成斑荔子嘗新得破頰蘭蕙香浮襟解後雪
冰膚在酒酣間絕知高韻輕瑤柱未覺豐肌病玉環似
是看來終不近寄聲龍目儘追攀又詩云百年中半飽
聞渠名下親承果不虛可愛風流元有種自然富貴乃
其餘宵隨妃子紅塵驛甘伴先生白鶴居可惜不經山
谷賞照紅鴨綠定何如又張淵道送荔支云豈無重碧
實瓶罍難得輕紅薦一杯千里人從閩嶺出三年公送

荔支來玉為肌骨涼無汗霞作衣裳皺不開莫訝闕情
向尤物厭看綠李與黃梅又詩云蕉子定成噲伍梅丸
應愧盧前金谷危樓魂斷白州舊井名傳紅皺解羅襦
處清香開玉肌時繡嶺堪憐妃子苧蘿不數西施劉屏
山詩云挺秀窮荒嘆未遭昔賢嗟賞著風騷綴班盧橘
材非偶不近長安價愈高烟雨萬株遙若畫塵埃一騎
笑徒勞瑯盤此日無遺選品格妍媸敢自逃炎蒸午枕
夢滄浪落落星苞喜乍嘗筆下丹青千品色釵頭風露
一枝香雞冠借喻何輕許馬乳爭名固不量值得當時

妃子笑驪山千古事淒涼范石湖涪陵妃子園

在四川涪州

詩云露葉風枝驛騎傳華清天上一嫣然當時若識陳
家紫何處蠻村更有園又新荔支云荔浦園林瘴霧中
戎州沽酒擘輕紅五年食指無占處何意相逢萬壑東
海北天西兩鬢蓬閩山猶欠一枝筇鄞船荔子如新摘
行脚何須更雪峰甘露凝成一顆冰露穠冰厚更芳馨
夜涼將到星河下擬共嫦娥鬪月明棹舶飛來不作難
紅塵一騎笑長安孫郎皴玉無消息先破潘郎玳瑁盤
王梅溪荔支歌云君不見詩人以來一子美暮年流落
來夔子賦詩三百六十篇西瀼東屯客愁裏何人作堂
畫遺像收拾光芒榜詩史堂前何有有荔支樹猶未老

熟獨遲世人貴早不貴晚倘非我輩誰賞之涪陵昔遇
妃子汗萬顆包羞莫能訴瀘戎一經少陵擘至今傳誦
輕紅白少陵傷時淚成血一點丹心不磨滅散成朱實
滿炎方風味如詩兩竒絕樂天曾畫忠州圖自言香味
人間無君謨亦作閩中譜陳紫聲名重南土何如詩史
堂前株正是一飯孤忠餘人為世重物亦重端如丈人
屋上烏巴圖閩譜合避路奚用品第紛錙銖攬先熟者
如楊盧但可與之作前驅閩娘十八婢妾爾將軍大樹
真慵奴我生四百餘年後來作先生游處守登堂三嘆
荔正丹聊效柳人祠子厚安得先生今復生添賦夔州

歌一首要使荔支之名長不朽又綠荔支云涪陵妃子
謾名園豈是閩南綠一盤最喜色同青玉案不妨功並
紫金丹畫看紅紫品流俗詩嚼冰霜牙頰寒吟罷閒觀
右軍帖來禽青李可同餐平生雅意在邛園行矣歸尋
隱者盤此日詩盟共君結明年荔子為誰丹欲移仙種
栽中土只恐天資不耐寒定向家鄉想風味江瑤斫柱
謾加餐又食荔支云荔支初熟釘金盤手擘輕紅子細
看風味由來太奇絕不教容易到長安妃子園中荔子
奇莫因名號起猜疑清時入座非尤物一洗烟塵賴好
詩詩史堂前種幾時輕紅曾入少陵詩殊方競續櫻桃

獻萬樹爭先爾獨遲又詠陳紫雲端明品第首推陳花
裏姚黃是等倫郡圃一株稱小紫故家風味自宜珍皺
玉云莆中皺玉價傾城品第吾何敢妄評只恐此非真
皺玉果然是玉亦虛名大將軍云荔支名字太紛紛所
見多應不逮聞別有深紅霸羣品郡人呼作大將軍玉
堂紅云天教尤物產閩中名字深竒自不同顧我素稱
田宅子如何敢啣玉堂紅奪先紅云閩中荔子說莆中
闕下竒色又不同正向鈴齋想風味奪先人送奪先紅
七夕紅云宅堂荔子無名字自我呼為七夕紅記得去
冬初到日家人指樹語衰翁白蜜云紛紛蜂采百花歸

蜜在枝頭竟不知造物要令甜在後時人莫訝熟何遲
放翁荔子絕句云驛騎星馳亦快哉筠籠露濕手親開
不應相與無平素曾忝戎州刺史來放翁遊蜀十年回
病眼茫茫每嬾開怪底酒邊光景別方紅江綠一時來
楊誠齋荔支歌云粵犬吠雪非差事粵人語冰夏蟲似
北人冰雪作生涯冰雪一窖活一家帝城六月日亭午
市人如炊汗如雨賣冰一聲隔水來行人未喫心眼開
甘霜甜雪如壓蔗年年窖子南山下去年歲冰減工夫
山鬼失守嬉西湖北風一夜動地惡盡吹北冰作南雹
飛來額外荔支梢絳衣朱裳紅錦包三危露珠凍寒泚

火傘燒林下成水北人藏冰天奪之却與南人消暑氣
戴石屏謝送荔支云荔子固多種色香俱不同新來嘗
小綠又勝擘輕紅大嚼思千樹分甘僅一籠嘗觀蔡公
譜夢想到莆中劉後村食荔歎云君欲和詩無匆匆唱
首天下文章公今年荔子况倍熟亭亭錦蓋高張空猿
偷鴉啄牧童采林間殘顆猶殷紅在昔唐家充歲貢吟
諷何止杜陵翁南窮交州西蜀土快馬馱送如飛龍絳
裳冰肌初照眼玉環一笑恩光濃惟閩以遠幸免浣一
顆不到溫泉宮自從陳紫無真本皺玉晚出尤稱雄邇
來雞舌擅瑰瑋贊香譽味萬喙同麟臺仙人親題品天

為此果開遭逢乃知微物似有數聲價亦與時汙隆列
聖儉德被華戎微如淮白不敢供奈何置驛秦私室安
得木鐸觀民風山蹊谷塹日力窮血肩跣足馳筠籠請
公移此食荔嘆置在薰風殿閣中李劉詩云絳衣搖曳
綻冰肌依約華清出浴時何物鴉兒驅不去前身恐是
食酥兒金趙君玉秉文荔支圖云雨滴鈴聲蜀道長都
緣一曲荔支香宣和無限丹青手好畫當年花石碣元
楊廉夫宮詞云薰風殿閣日初長南貢新來荔子香西
邨阿環方病齒金籠分賜雪衣娘張思廉題畫荔支障
云知味何人似蔡襄江紅陳紫與誰嘗七閩塵障南來

使腸斷薰風十八娘柳文淵應芳荔子曲云白玉明肌
裹絳囊中含仙露壓瓊漿城南多少青絲籠競取王家
十八孃歐陽秀道元墨荔枝云向來千里騎塵紅生色
羅襦濕翠濃頰色似嬋妃子浣蕭_州猶有墨君風張光
弼荔枝畫云茜羅輕裹玉肌寒吹盡南風露未乾一寸
丹心無與寄為憑圖書入長安陶温如題荔支云大唐
置驛貢遐方火齊虬珠裹蔗漿博得玉環纔一笑教坊
曲奏荔枝香明屠本峻隆紀興云五月閩天丹荔垂雨
餘林日照離離火山松蕾元先熟萬顆新嘗玉滿匙雲
張翠幄子欏星側出枝間曉露零城裏萬家相問遺筠

籠爭買淨江瓶瓊瓠甘露法門開湛目青蓮大士來帝
網琉璃相映澈天台中觀放叅回弱歲曾嘗荔子丹一
池香水濯冰丸如今正是朱明日粟玉先堆瑪瑙盤星
球鵲卵大于拳鑛五金鐘品是仙別有桂林將勝畫小
姬一見一嫣然蜜丸牛膽兩豐腴碧玉為神顆顆殊兒
女不知艱可啖錯疑耳後大秦珠自汲清泉洗荔支吳
娃如意劈臙脂水晶簾下黃香熟錯落瑤光並玉肌結
綠如榛小更幽齒牙蕭爽恣冥搜怪來肌骨清涼甚六
月如漫華頂遊幻出龍牙變態竒晚涼雙髻侍兒持自
是拜來新月早非闕剖出夜光遲天柱高凌月窟孤洞

中紅豔裊珊瑚飽餐內熱渾忘却已貯冰心在玉壺尚
幹鄉中錦作堆鳳池超出越王臺相如渴病今應解不
用金莖露一杯絳囊公子綠羅嬌白水真人絳節朝欲
向九仙通尺一倘能雲際坐相邀黑華人傳自五羊竄
憐江綠出莆陽唐家妃子如相見不命涪州驛騎將可
惜生來託瘴鄉瓊姿那得近君王大官食品多如許只
有乾枝達尚方小君初學煎支法乳酪宜浮玉椀看旋
瀋荔枝蜂釀蜜清香不減蔗漿寒自起開籠揀荔枝半
將白曬半烘焙故鄉朋舊應嘲我不遣紅塵一騎回楊
升菴詩云萍實楚江浮赤日桃花秦額燦紅霞試將海

內芳蕤數敢並江陽荔子誇雲液留香凝重錦冰丸映
肉捲輕紗美人釵股雙獲綴宵擲潘郎滿鈿車又姚鳳
岡送荔支荅謝云柏府薰風荔子丹雕盤持贈下臺端
絳紗囊裏冰肌滑火齊枝頭水玉寒羅帕分珍慚逐客
驛塵飛騎憶長安瓊瑤欲報才應盡獨立蒼茫倚曲欄
洪遂初詩云五月閩南荔子丹摘來宜薦水晶盤色欺
鶴頂霞新染光奪龍精露未乾曾得漢皇培上苑又隨
星騎貢長安紫薇垣裏分嘗處頓覺瓊漿溢齒寒謝子
凡杰憶荔支云江鄉六月火雲飛萬顆纍纍落翠微赤
露夜浮蘋玉瓮流霞朝染紫羅衣妝成帝女脂猶濕浴

罷楊妃乳正肥為報相如消渴甚金莖留待茂陵歸又
狀元紅云紫金香貯玉玲瓏點綴薰風上綠叢一種丹
粧三百品路人先看狀元紅滕畫云仙姬月下分靈丹
乳竇香凝白雪寒倦入絳帷知睡去婦姿絕勝畫中看
中觀云一串摩尼湛錦波玉衣童子曳緋羅炎光高護
空中觀添作祇園勝果多金鐘云白水真人鍊絳砂金
鐘鑄就落誰家定應飛入梨園去催出枝頭萬點霞滿
林香云素娥嬌弄淡紅粧半幅霞綃罩海棠夜合口脂
勻玉露曉風吹度滿林香山支云秋園涼雨洗林空更
向青山枝上紅小結丁香隨錦隊櫻桃擎出大明宮蜜

丸云赤蚪山人蜂作房柘衣輕惹蜜丸香波羅小瓮黃
金色長貯仙厨白玉漿鵲卵云紫姑秋夜臨高臺瀉下
金莖露一杯牛渚橋邊遺鵲卵靈官拾作寶珠迴林聖
于希哲題宋氏荔支云吾莆名果鮮荔支君謨有譜世
所知陳紫方紅固為貴宋香品彙尤珍竒六月炎歊日
正長纍纍綠葉垂絳囊薰風微度疎林晚比鄰猶覺聞
清香核上儼若斤斧痕茲事竒怪難言論云是當年巢
寇亂欲伐其枝投爨焚皤皤老嫗以身庇天然幻出斯
靈異至今又歷數百年後人培植當留意黃維明克晦
觀摘荔支云荔樹陰陰繞水濱入門呼脫白綸巾林中

仰面惟看鳥樹杪聞聲始覺人傍手柯條初散彩離枝
香色正含新玉盤冰水龍珠滿虛閣高談不厭頻鄧原
岳荔支曲云鳳凰山下荔支園擇日開林市子喧一百
銅錢分一擔平明奔進合沙門纔交小暑日頻催一夜
驚看錦繡堆早起香風徧城郭人人都道荔支來紅如
鶴頂大如杯奪取頭籌滿擔回更怕午前日色惡齊將
青葉蓋頭來荔支高樹倒垂簷十丈長竿兩刃尖摘下
但頻多少喫飽來還有水晶鹽梢頭狐鼠捷如風夜驚
經過樹樹空高結茅寮敲竹夾曉來添得照山紅麻繩
高吊小筠籠上下盤旋西復東且喜今年風雨少荔支

箇箇不生蟲千株傍水各成行不是豪家郭外莊最好
五更乘露摘噉時猶帶露華香金杯漱灩碧波妍一道
霞光照眼鮮何似婕妤初賜浴玉肌三尺浸寒泉萬樹
搖風點翠苔不妨對客日千枚城中諸品垂垂盡猶有
吳航勝畫來中秋摘盡荔支殘蜜漬鹽醃更曬乾不分
側生能損價可知輸却玉漿寒陳佶夫賦荔子漿云紅
綃初卸吸精瑩幾點甘泉齒頰生漫向雲英求玉液疑
泛漢武咽金莖溫柔未信雞頭美芳冽應兼馬乳清一
自瀘戎飛騎後不須花露解餘醒又詠荔支色云千紅
萬紫轉威蕤絳李朱櫻敢並竒繡額宮中含筴日承恩

不獨為冰肌又荔支味云剖却紅香列蚌珠薦來玉液
與醞醐解醒不用花間露擬物何須塞上酥陳薦夫駝
蹄云朱實西來驛路長明駝驕蹴滿蹄霜當時也合馳
千里不獨涪州馬足忙山中冠云衫三笠綠帔爭紅散
盡春風滿六宮自笈朱顏生較晚只應隨分冠山中金
線云細骨香肌寵幸深華清泉裏玉沉沉絳綃朱袖雖
零落一縷難消舊釧金西紫云千株萬樹錦成堆獨自
西家衣紫回寄語東君休用妬紅塵元自蜀中來綠核
云搖曳微風火滿林驪山一顧主恩深胸中已化萇宏
血莫訝香肌少赤心皴玉云羽騎參差出驛門空持朱

實弔香魂阿環墜地今千載猶有斑斑玉上痕一品紅
云千載瀘戎驛騎飛出山猶著薜蘿衣傳呼野服休朝
見勅賜宮中第一緋玳瑁紅云顥顥明珠貢嶺南還將
玳瑁匣輕函助嬌試插桃花鬢不數平原上客簪洞中
紅云洞中丹實幾千年愁向長安一騎傳好似紅糴離
洞去桃花溪口戀塵緣滕江萍云佳人久已動明皇不
羨江萍逐楚王料得一般甘似蜜令渠北面是濃香鄭
振之鐸新綠荔支云落花纔見飄空處結子初看出葉
時山鳥啄殘俄委地恍如金谷墜樓姿乍丹荔支云萬
點青螺未染塵忽看半帶口脂勻羅衣閑處肌如雪但

少芬香遠襲人正熟荔支云朱夏南枝總若霞可憐一
顆一丹砂名園百果都難並火棗交梨未足誇摘露荔
支云園林曉望火燒空摘下清香滿市風簾隔羨人梳
洗罷纖纖玉指擘輕紅林叔學荔支花一只向閩鄉說
荔支荔支花發幾人知幽香陣陣微風裏苞蕊還分碓
與雌謝在杭肇洊買莆田陳家紫云閩海荔若雲還荅
布山谷列品七十餘陳紫擅其獨末銳廣兩肩核焦埋
深綠此種出莆陽祕書閉門鬻寥寥五百載接枝彌蕃
育在山豐年玉出鄉荒年穀六月火雲蒸紅塵勞急足
朝採楓亭林暮走馬江瀆旦起日初高歲蕤爛盈目翠

籠未開槭流香已滿屋飛燕雪中膚太真風前浴色味
不可名但知果吾腹敗襦委芳草遊蜂尋殘馥中冠慚
後塵桂林甘雌伏勝畫淨江瓶三分堪角逐異品固不
常滕會亦難續何時從九仙飽噉壺山麓又賦荔支根
云仙種應從閩苑傳孤根百尺老龍眠紅雲低映輪菌
石絕壁深蟠瘴癘煙唐騎未能馳繡嶺漢宮應得傍甘
泉春風容易朱顏換閱盡枝頭幾歲紅元黃香荔支云
紛紛紅紫鬪濃粧正色猶存一樹芳金屋正宜藏玉貌
綠衣何用怨黃裳棲枝鶯鳥渾無辨對酒鶩兒別有香
若待三秋搖落後千頭羞殺洞庭霜郭子章詩云榕樹

環山郭離支列省衙妍姿當六月神品壓三巴露炫金
莖爛日融火齊斜誰評紅與綠猶自說江家凌冬還釀
秀盛夏轉芳菲豔吐千家色熟看百鳥肥珠房朝采郁
錦殼曉霞輝惟植炎荒遠徒勞筴貴妃鮮疑排鶴頂燦
若謝雞冠詎謂薇垣紫翻羅荔子丹低垂裝翠幌錯落
襯金盤瓊漿堪入口頓令頰齒寒雨後光逾碧風中韻
自元著陰無隙地飛焰欲橫天香沁琴書潤味爭醴酪
妍忠州圖畫在靈美詎能傳陳仲臻詩云果中稱異品
色味世間無遇夏香尤盛經冬葉不枯楊梅真作僕龍
眼合為奴昔日宣和殿移根植幾株纍纍蒸雨熟顆顆

向陽酣錦殼，殊慙色清香。蜜讓甘防偷，搖夾竹分摘貯。
鉤籃此地無名種，猶堪滕嶺南邛。惟直詠雙髻云：枝頭
連理散甘香，紅錦囊包白玉漿。貯向冰盤誰得似，昭陽
姊妹鬪新糴。星球云：離離丹實綴如球，燦爛紅光滿樹
頭。莫是宣和燈火夕，鼇山懸挂不曾收。百步香云：六月
閩鄉荔子懸綠雲，堆裏錦雲連幽香。一種天然味不數
潘妃步步蓮，七夕紅云遙望雙星爛。涼宮一年一度鵲
橋中，誰知淚落凝成血，散作枝頭點點紅。延壽紅云：華
清一騎走紅塵，中使傳呼笑語頻。此物若云延得壽，馬
嵬山下葬何人。桂林云：綠雲堆裏綴紅綃，白玉囊中核

子焦只此林間堪賦隱淮南不待小山招滕畫云錦雲
香露萬枝紅恨不生逢繡額宮莫訝崇龜圖未肖千金
誰為賂良工火山云品質殊生節序同偏誇早熟萬叢
中只因一動妖妃笑又惹驪山烈炬紅元紅云瓊液
丹膚白玉肌御筵香透絳羅衣宮袍首賜何曾綠為染
霞光近紫薇十八娘云棣萼樓頭風露涼閩壤清曉覓
紅糝朱脣玉齒桃花臉徧著天孫雲錦裳冰團云太液
池頭暑漸涼紅塵一騎日南方寒漿不待嚴冬結滿坐
齊看六月霜綠核云素質生來與衆殊冰肌玉液潤如
酥相逢莫訝心無赤祇恐前身是綠珠陳文明昌題荔

支山烏圖云茜紅衫子玉肌香南國風流十八娘若得
青禽傳信早不教鼙鼓動漁陽徐文鄉爇食中冠荔支
云新居初落成荔子熟已半梢頭覓早紅正品得中冠
摘來悅我口彷彿明星爛始食味尚酸淡背有微汗小
者猶若珠大者已如彈嘗新頗不厭錦殼堆几案輕風
送晚涼清香迴鼻觀置堆無飛塵不許蘇子歎又詩云
日長竹枕頭懶支飽食細誦龜齡詩口下年中幾人和
句法難比前賢竒粵南有種到閩土栽種得宜推老圃
笑殺永嘉韓彥直如許木奴亦作譜竊幸閒身居故山
得食豈必論後先吾儕愛嗜同沆瀣俗輩忌食寧流涎

今茲結盟訂已果更賽瓊丸鬪珠顆陳紅江綠熟尚遲
莫笑饒夫急如火又嗽黃香荔支云閩海從來說荔香
誰知異品有深黃楚江寒菊初凝露蜀國秋葵乍向陽
玉貌隔簾窺賈女金丸滿地憶韓郎刈尾莫詫柑三寸
瓊液空含顆顆霜又饋雙髻荔支云連理枝頭並蒂殷
攣胎合浦蚌珠還月明漢水雙妃佩花落天台二女鬟
玉臂相聯嬌豔態香肩齊鞞鬪朱頰新承秦虢夫人寵
妒殺華清舊阿環又食鵲卵荔支云乾鵲填橋碧漢邊
粟林遺卵綴蒼煙絳苞抱出星同燦玉乳探來石共圓
風動危巢驚彈過月明高樹儼珠聯莫言三匝無枝繞

孕得靈胎木杪懸又水墨荔支圖云萬顆累累日飽嘗
一枝偏帶墨痕蒼生来自有丹砂色寫出還疑黑葉香
乍洗胭脂嬌翠袖新添螺黛變紅粧冰肌絕類崑崙女
不是王家十八娘又詠荔支膜云曾向忠州畫裏描
脂淡掃醉容消盈盈荷瓣風前落片片桃花雨後嬌
玉薄籠妖色映茜裙輕裊暗香飄嫣然狼藉誰收拾十
八閩娘裂紫綃又詠江家綠云芳樹在遍海涯由來
香味壓三巴火雲映出玻璃綠舊說閩中第一家葡萄
穗云絕豔濃香滿路飛玉膚輕襯紫羅衣若逢漢代乘
槎使不帶涼州馬乳歸雙鬢云千年枝上竝頭春斜結

香雲縷縷新相倚，明粧誰得似黃陵廟裏兩夫人。真珠
云孕出靈胎，箇箇圓林中。遙見夜光懸一枝，臨水低相
向，不異鮫人泣。月年十八娘，云先朝舊事說閩王公主。
曾稱十八孃，千載芳魂應化碧。佳名猶記紅香將軍
云林外森森翠幄，高軍中不用醉葡萄。只今十里雲如
錦，疑是當年舊戰袍。釵頭云雙雙珠顆錦如霞，斜插金
釵貼鬢鵝。一種人間可憐色，六宮羞殺步搖花粉紅。云
深紅輕膩壓枝斜，貌比桃花更染霞。一自承恩天寶後，
溫泉宮裏洗鉛華。綠羅袍云輕盈初試越羅新，不染人
間紫陌塵。百萬紅粧爭結綺，隔墻遙看綠衣人。滕畫云

紫膜紅繒白玉膚爭誇絳雪出仙都生来自有天然色
却笑崇龜浪寫圖白蜜云誰遣餘香沁齒牙美人纖手
剖輕霞天生旨味如萍實不待遊蜂釀百花桂林云樹
色蕭森比桂叢青枝綠葉自芄芄月光夜照花如霰疑
是天香落鏡中滿林香云十里重林錦繡堆更無驛使
惹塵埃微風暗度幽香異韓壽才過賈女來狀元紅云
素質朱顏太絕倫風流先占曲江春八目賜得宮中錦
爭看瓊林第一人星球云不待宮娃羯鼓催半空誰滾
火星來山禽誤蹋雲中墜豈是三郎蹴鞠回七夕紅云
滿樹渾疑大火流尚餘丹實報新秋繁星遙與雙星映

半在佳人乞巧樓雞引子云曾食淮南九轉丹幻成仙
果赤團團寄言山鳥休輕啄留取猩紅頂上冠金鐘云
不見蒲牢伏上林紅爐烈火鑄黃金南風吹入蕭蕭葉
如聽鈞天大呂音江陳云紫說陳家綠說江佳名千載
本無雙於今別有酣紅色鼎足三分未肯降天柱云天
柱巍巍出半空折來猶自綠成叢南風吹動枝頭火還
似當年戰祝融大小江綠云風捲香塵滿路飛絳綃新
裼綠羅衣天生麗質誰堪並婉孌江濱大小妃宋家香
云綠鬢如雲面似霞冰肌何用鬪鉛華隔墻一道薰風
暖吹得餘香過宋家進貢子云丹荔何年貢七閩宣和

中使往來頻玉環只識涪江種空走驪山一騎塵延壽
紅云九轉丹砂貯絳囊剖開甘液勝瓊漿由來此物從
延壽恨殺唐羌誤漢皇百步香云紫翠陰森映夕陽遙
看一片錦雲鄉美人羅襪凌波過蹋碎紅塵滿路香綠
紗云苧羅溪水碧于油浣出輕紗翠欲流何代美人工
翦綵結成佳果綴枝頭麝囊紅云累累丹實似星懸萬
綠陰中赤欲然日午餘芬生鼻觀不綠松下麝香眠中
秋綠云金風玉露仲秋時碩果枝頭落較遲明月一輪
流翠影青銅高照碧琉璃松紅云莫以松枝比荔支翠
濤聲裏露臙脂忽看琥珀生連理不待千年長兔絲丁

香云紅粉佳人獨倚樓雨中丹實滿枝頭荔香元與丁香異只結團圓不結愁郎官紅云甘液濃香似醪醴傳來佳種近楓亭誰將天上郎官宿散作林中萬點星紅繡鞋云一片紅香落翠苔美人林下躡青回當年若使潘妃見貼地蓮花不敢開綠珠云山禽偷取躡枝翻錯落珍珠綠滿園卧地殘香吹不起月明如照墜樓魂洞中紅云烏石山前暮雨涼幾番風起散餘香洞中六月紅如錦不但桃花誤阮郎冰團云六月閩天見鬱蒸忽驚寒氣座間凝水晶盤貯深紅色白玉壺中映絳冰何家紅云炎夏深林雨氣收臙脂片片落梢頭何郎粉向

朱衣拭滿面桃花汗欲流鵲卵云月明銀漢鵲驚枝風
動寒巢欲半歌吹落人間完似卵冰盤高累不愁危滕
江萍云纍纍枝上火雲燒甘液真同絳雪消一片紅光
如日赤兒童空有楚江謠綠核云滿林丹實夏煌煌一
道炎風列燧光壯士緋袍都解却碧苔齊卧綠沉槍火
山云迴望蒼梧是故鄉紫綃輕颺麥風涼生来自信紅
頰薄強向朱明鬪豔糝俞安期噉荔子哥云曹園古荔
滿林壑中連雙樹如團幕間葉紛疑火齊生垂枚定道
紅星落主人抗樹起高閣荔子環如挂瓔珞紺紫纍纍
高下懸朱丹點點東西錯千枚任摘雕闌前金盆沃浸

青琳泉香觸何知屢嚙唾口饒便覺雙流涎須臾裂却
丹霞殼剖出冰肌皎于玉薄綃淺絳却中衣滑澤光瑩
恣餐足牙後深甘玉女肪喉間不饜楊妃肉一時遽盡
三百枚通靈已覺成仙胎毛髓初疑搯子藥羽翰輒欲
升瑤臺漳州大橘大如盞甘美不如何足想吳越楊梅
豈乏甘較之仙味寧不慙龍眼猶令奴作匹其餘瑣瑣
安足述海內如推百果王鮮食荔支終第一鄭綏詠小
陳紫云紫本陳家滕齊名宵易降品雖稱第二質自擅
無雙清馥應欺宋芳姿已壓江冰盤時並薦霞彩射雕
窻皺玉云佳品呈賴璧誰云巧製成痕疑風感細紋受

露溥明祇訝沾猶璞非闕琢未瑩仙羣留不住掌上擘
時輕王蓋臣詩云絳袖冰肌畫本難駢肩含笑倚闌干
清霜且莫來相妒聞道佳人不耐寒近時趙嶷牀荔支
云海風吹林黛幙垂繁星照空何離離仙衣自吐雲霞
錦瘴烟不侵冰雪肌江村野老乘露摘青籠影透珊瑚
色雕盤綺席空聞名獨在炎方慰遷客從來尤物推增
城玉膚芳膩風骨清苧蘿巫山不擇地新興有女如雙
成絳綃重護珠房簇麗質天然託幽谷娉婷徒憶翠釵
懸塵埃不作朱櫻續崧臺六月火雲發榕葉冥冥蔭石
榻輕紅百顆帶緗枝凍乳無聲水晶滑蟬鳴雨止開中

堂端州酒濃琥珀香東臯他年話今夕額南樂事安可
忘王漁洋題畫荔支云愛道天南五月時側生作實正
離離今宵畫裏分明見飽向楓亭擘荔支又鮮荔支云
南越曾聞置堠過鮫魚相共犯鯨波西川新貢葡萄錦
漢殿傳書賜尉陀又荔支酒云紅透蟬紗裹玉膚釀成
香味勝芙蓉西川驛騎傳天寶枉使宮中損左車潘次
耕荔支盆云荔支盆來三山枝頭墜土生根難荔支盆
上建浦衝波峻灘挽身苦短蓬愁日復愁雨荔支盆過
仙霞千夫肩荷百吏遮汗流骨出愁鞭撻從此浮江湖
河去巖程晝夜不停住焦枯顛頓十存五寥落腥紅綴

孤樹蓬萊宮中掩露嘗冰丸入口流瓊漿寧知一丸數
金值百旬勞擾千村忙大臣事君自有禮忠孝不在養
口體爭新作俑彼何人繹騷煩費無窮已不貴異物惟
吾皇勤求民隱恆如傷誰能上書罷貢獻令人千載
思唐羌許子遜詩云丹荔年年玉椀新鏡中看黛半含
顰可憐嶺外紅鸚鵡猶說華清病齒人竹垞詩云長慶
古僧寺獨公新道場重来疑夢寐六月乾清涼老喻苦
瓜苦渴思香荔香七星空有井不用汲寒漿魚網船船
綠樵柯歲歲殘連根移上苑重馬走麤官再至雙林少
他時一飽難山僧會客意臨別更堆盤家初白詩云陰

合重樓外枝垂曲檻東珊瑚推舊譜玳瑁占新叢畫省
初凝露薇垣迥得風繁星紛乍摘白雪沃俱融步障絲
蹙紫宮衣袖卷紅品方瑤柱羨肌愛玉環豐只許輝銀
印何期向竹龍從來臭味合大抵餽道不是分甘好
將母嚼蠟同炎官方赫赫螫屬又蟲蟲解駁涼無汗醫
蠲渴有功稍宜親夏簟唯欠剝春葱長樂全勝畫郵亭
尚憶楓近應來郡縣遠不比瀘戎旅橐終難致傾筐倘
更蒙此遊專為口貪得笑何窮朱西峻詩云十八雲鬟
趁曉颺競將圓頰染燕支芙蓉邏入濃烟裏翡翠虛當
細雨時樹底珊瑚垂子重園中烏雀繞枝遲蜀山闔海

知難及玉局仙人屢賦詩珠露灑灑荷折盤嫩涼消暑
客愁寬官齋閒許諸孫住香荔拚教恣意餐椰酒滿瓢
殊少味蔗漿迎節易中乾何須頓頓噉瓊實藥竈無煩
砌下安錢稼軒詩云荔支百本列 宮前閩貢攜來露
正鮮早向畫圖曾識面得親顏色是今年見說建溪顏
色好霜枝露顆種家家如何額外離離實也暎 仙莊
朝暮霞瑪瑙盤中摘幾株日消三百克何須品題陳紫
江家綠未信東坡語不誣又草荔支云佳名錫並嶺頭
芳絕塞仙株浥露漿蜀雪慢誇圖尚白閩紅休鬪譜傳
方尹邢恰會殊邦貢蘇蔡難知上苑香十八娘應妬糴

束臙脂山有鏤雲襄劉石菴壩追和曾茶山韻云裝裹
南中紫縠斑有誰相見不開額含咀疑是雪霜化比似
恰應珠玉間蜀道驛來愁劍閣越吟人對想刀環莫論
格韻傾凡果香色從知未易攀伊周侯令荔支云焦核
朝暎照滿盤輕綃紅襯水晶丸漫言老病愁傷肺味妙
甜霜冰齒寒楊梅盧橘品非羣錯比葡萄笑魏文消得
一盤珠萬顆福唐城憶飽清芬日啖丁香玉醴醇東坡
愛作頽南人惜公未覩楓亭種綠葉虬珠紫號陳又詩
云水晶盤映榴花明白圓照眼虬珠頰渴把天漿沁心
腑紅襦催脫冰膚呈江珧柱只溯名義河豚誰肯拚一

死尤物何曾美可方莫怪髯蘇虛比擬當年一騎笑楊
妃紅塵萬里勞奔馳扶荔更聞上林起南海名花種不
宜含桃紫禁猶珍重朱橘曾煩騷客頌况是側生品最
竒釵頭何幸日清供金醉墨荔臉云尤物南州競寵褒
恰如南臉冠同曹漫誇羅罩脂膚薄須憶痕塗獺髓高
妃子自饒含笑暈海仙寧藉駐顏膏懸知十八娘姝麗
不得綏桃也足豪宋歐陽永叔浪淘沙詞云五額麥秋
殘荔子初丹絳紗囊裏水晶丸可惜天教生處遠不近
長安往事憶開元妃子偏憐一沒魂散馬嵬關只有紅
塵無驛使滿眼驪山東坡城字木蘭花云閩溪珍獻過

海雲帆來似箭玉座金盤不貢奇葩四十年輕紅醜白
雅稱佳人纖手擘骨瘦肌香恰似當年十八娘又南鄉
子云天與畫工知賜得衣裳總是緋每向華堂深處見
憐伊兩箇心腸一片兒自小便相隨綺席歌筵不暫離
苦恨人人分折破東西怎得成雙似舊時黃山谷定風
波詞云晚歲炎州聞荔支赤英垂墜壓欄枝萬里來逢
芳意歇愁絕滿盤空憶去年時澗草山花光照坐春過
等閒苦李又纍纍辜負寒泉浸紅皺消瘦有人耽病損
香肌又云準擬階前摘荔支今年歇盡去年枝莫是春
光厮料理無比譬如痰瘡有休時碧甃朱欄情不淺何

曉來年枝上報纍纍雨後園林坐清影蘇醒紅裳剝盡
看香肌又浪淘沙云憶昔謫巴蠻荔子親攀冰肌照映
柘枝冠日擘輕紅三百顆一味甘酸重入鬼門關也似人
間一雙和葉插雲鬟賴得清香燕玉面同倚闌干康伯
可西江月詞云名與牡丹聯譜南珍獨比江瑤閩山入
貢冠南朝露葉風枝裊裊香玉滿苞仙液皴紅圓感鮫
綃華清宮殿蜀山遙一騎紅塵失筴韓元吉醉落魄詞
云霓裳弄月冰肌不受人間熱分明蜜露枝枝結碧樹
珊瑚容易與君折玉環舊事誰能說迢迢驛路香風徹
故人莫恨東南別不寄梅花千里寄紅雪李芸子搗練

子詞云紅粉裏絳金裳一卮仙酒豔晨粧醉溫柔別有
鄉清暑殿偶風涼雞頭擘破誤君王泣梨花春夢長鄭
松炯念奴嬌詞云素肌瑩淨隔鮫綃貼襯猩紅糝束炎
傘飛空鎔不透一塊玲瓏冰玉破暑當楚褪衣剝帶凝
露真珠肉中心些子向人何太焦縮應恨舊日楊妃塵
埃走遍南閩和西蜀困入筠籠消黯攪香色精神愁感
賴有君謨為傳家譜不棄青黃綠到頭甜口是人都要
圓熟明謝在杭浪淘沙詞云異品出吳航翠袖紅粧溫
柔何似白雲鄉縱有丹青描不就國色天香含笈解羅
襦玉骨瓊漿臙脂無色墨無光祇是紅顏多薄命雨妒

風狂徐文鄉減字木蘭花云吳航異品賜浴金盆冰骨
冷紫袷羅襦絕色輕盈未易圖忠州白傅枉把朱顏描
竹素沛國崇龜益浪揮毫寫玉肌又有限枝生邛州似
荔支大若爵卯宋景文贊云挺榦既修結藹茲白戟外
澤中甘可以食

錄附

錦荔支一名癩葡萄元時名紅姑娘即詩所云苦瓜也
葉如葡萄蔓上有鬚莖葉皆柔七八月開小黃花五瓣
如椀形結瓜有長短二種外垂絳囊中含赤子如珠生
青綠熟則黃紅皮上礫砢陸離可玩陳堯佐母曾連皮
食之

錄附龍眼一名益智一名比目一名圓眼一名蜜脾一名燕
卵一名繡水團一名海珠叢一名川彈子一名亞荔支
一名荔支奴一名鮫淚一名木彈閩廣蜀道出荔支處
皆有之樹似荔支枝葉微小葉似林檎凌冬不凋春末
夏初開細白花七月實熟大如彈丸肉薄于荔支白而
有漿甘如蜜質味殊絕純甜無酸實極繁作穗如葡萄
每穗五六十顆殼青黃左太冲呼為龍目蘇長公比之
彭越石蟹東坡詩云龍眼與荔支異出同父祖端如柑
與橘未易相可否異哉西海濱琪樹羅元圃纍纍如桃
李一流膏乳坐疑星隕空又恐珠還浦圖經未嘗說

玉食遠莫數獨使皴皮生弄色映琬俎蠻荒非汝辱幸
免妃子污劉屏山詩云幽姿旁挺綠婆娑啄啞雖微奈
羨何香割蜜脾知韻勝價輕魚目為生多左思賦詠名
初出玉局揄揚論豈頗地極海南秋更暑登盤猶足洗
沉疴張南軒詩云荔子如今尚典刑秋林圓實著嘉名
雖無赧玉南風面却願筠籠千里行手自封題寄故人
聊將風味付詩情千年尚憶唐羌疏不江華清驛騎塵
王梅溪詩云絕品輕紅掃地無紛紛萬木似龍呼實如
益智本非藥未比荔支真是奴明宋珏詩云平昔輕旁
挺不堪荔作奴今知奴有等賢蠢亦多途方回及陶侃

自比常奴殊外裹黃金飾中懷白玉膚劈破皆走盤顆
顆夜光珠更憐核如漆湛湛小兒矚龍目與虎目比喻
何其愚但恨荔熟時主在奴不俱安得共盤敦牀頭捉
刀夫際此清秋候晶晶空滿盃尼父思伯玉使乎復使
乎王蓋臣詩云來從炎徼登瑀俎滿案芳馨總莫逾崖
蜜縱甘終帶酢江瑤雖美未全瑜騷人賦就芳名遠漢
帝移來貝葉敷較烈側生應不忝何緣喚作荔支奴何
緣喚作荔支奴豔冶豐滋百果無琬液醇和羞沆濯金
丸的爍賽瓊珠好將姑射仙人產供作瑤池王母需應
共荔支稱伯仲况兼益智策勳殊近時朱竹垞詩云龍

目原竒樹嘉名自海區何年賦旁挺得與側生俱黃擬
支郎眼圓分漢女珠幾人能嗜此昌歎未應殊杭莖浦
詩云鎖院深沉故侶親堆拌殼果訝鮮新凝漿暗制潛
蛟淚圓鷓輕敷嫩麴塵甘露灑枝通蜜味彈丸脫手稱
詩人微蠟未孽輕紅荔南望楓亭溢齒津宋無名氏浣
溪紗詞云酒拍臙脂顆顆新丹砂燃火葉精神暑天秋
杪錦春生香味已驚櫻實淡絳衣還笑荔支皴美人偏
喜破朱脣又有山龍眼出廣中夏月熟色青肉如龍眼
小而味酸亦龍眼野種山僧取以供佛又有龍荔狀如
小荔枝而肉味似龍眼三月開小白花可蒸食不可生

食元陳剛中使安南詩龍荔綴如珠紀其實也

附橄欖一名青果一名諫果一名忠果南人謂之格覽樹

似木樨而端直高大枝皆高聳葉似檉柳二月開花八月結子狀如長棗色青兩頭皆尖先生者居下後生者漸高深秋方熟核亦兩頭尖而有稜有仁可食生嶺南閩廣諸郡其類有綠欖烏欖波斯欖方欖等種宋王元之詩云江東多果實橄欖稱珍竒北人將薦酒食之先顰眉皮肉苦且澀歷口復棄遺良久有回味始覺甘如飴我今何所喻喻彼忠臣辭直道逆君耳斥逐投天涯世亂思其言噬臍焉能追寄語採詩者無輕橄欖詩

歐陽文忠詩云五行居四時維火盛南訛炎焦凌木氣
橄欖得之多酸苦不相入初爭久方和霜苞入中州萬
里來江波幸登君子席得與衆果羅中州衆果佳珠圓
玉光瑳媿茲微陋質以遠不見訶飭飴兒女甜遺味久
則那良藥不甘口厥功見沉疴忠言初厭之事至悔若
何世已無採詩詩成為君哦東坡詩云紛紛青子落紅
鹽正味森森苦且嚴待得微甘回齒頰已輸崖蜜十分
甜劉貢父詩云南珍富竒異疇昔頗窮擘夷荒無書傳
沒古陋鉛槧苞封走中土天序異離坎有香已變衰有
色多黷譎今君此堂上珍物惟橄欖青膚鏤瓊瑩翠顆

森菡萏苦為幽人貞久見君子澹甘懷彼包羞日新此
剛敢清泉薦芳茗臭味獨潛感澡雪清煩醒滌除瑩元
覽靈均採時菊西伯嗜昌歎廟鼎實調梅壯士仍嘗膽
由來超俗好諸絕不言慘殷勤謝凡口薤白空三噉元
郝凌川詩云南果足韻勝北人罕為竒銀盤獻青子愛
玩驚見之蓮房飽出蛹棗滑生下枝翠粉苔埽新清烈
凝松脂齒牙噴艱澀苦硬不可持氣韻久始來靈根淪
天池灑然凌清飈甘露濡仙芝有如宿瘤妻苦節真可
期亦如相韓休朕瘠天下肥危辭遽逆耳終自為良規
先難阻欲速後得卒莫違默默心語口此樂夫誰知始

覺衆果俗橘奴復梨兒海嶺瘴天黑異味翻茶飴雨露
存天真颺霧不可滋島嶼出乳泉造化亦若茲元氣舌
本甜酸苦歸涕洟本來甘受和衆味相假移居然復其
源偽妄焉能欺何當謝世網兀坐忘奔追深山石室空
煮石療調饑破鼎煮春芽嚼此吟湘纍脩然沃肺腑看
山坐支頤物表有真味載歌采薇詩又詠檄欖云半青
來子味難誇宜著山僧點蠟茶若是黨家金帳底只將
金橘送流霞洪顯聖希文嘗新檄欖云檄欖如佳士外
圓內實剗為味苦且澀其氣清以芳侑酒解酒毒投茶
助茶香得鹽即回味消食尤奇方宮商舌底發星宿曾

中藏雖云白露降氣味更老蒼山林假歲月顏色饒風
霜以茲調衆口誰敢輕頡頏作此橄欖詩遠繼葑菲章
大器當晚成斯言君勿忘明馬文源德澄謝送橄欖云
美人抱瑟自姑蘇佳果盈籠贈客需味淡水桃清較勝
色侔玉棗脆偏逾入唇香嫩含雞舌啓齒甘回吐鳳酥
更為高歌聲沸耳相從啜茗啓醍醐近時王漁洋詩云
曾愛鄭公嘗媼媚譬渠諫果號餘甘東坡豈合時宜者
却恨不如崖蜜甜朱竹垞詩云累累青於棗稽含狀最
工紅鹽齊落子翠竹遠開筒愛惜教頻數歡娛忘屢空
要知君子意獨許歲寒同絕勝餘甘樹來從荔子村玉

盤盛最好青箬裹猶溫酒後酸漿別茶中俊味存清香
留改歲試配煮河豚汪天泉灑詩云清苦生成不合人
筆頭稜骨綠袍新只今百果爭甜口留與賓筵作諫臣
錢香樹檝攬露云一滴應知費百枚霏霏香露絕纖埃
醍醐已自論無味多謝人間望味回朝回小閣寫黃庭
長伴香爐與藥瓶今日為他揩病眼雨窓一試點茶經
陳梅岑詩云青子當秋熟評芳自嶺南嘉名忠可喻真
意諫同參種類炎方別林園壯月探陰還連野屋高欲
逼層巒摘去梯難架收來杖易擔求溫憑箬裹致遠藉
筒函買或論千百嘗應只二三顰眉君莫訝苦口舊曾

諳細共檳榔嚼香餘豈菴舍討論偏耐久風格在回甘
核試花生燭仁挑栗綴簪幸登君子席佳話並傳柑胡
稚威詩云苦口衆所揮餘甘幾人賞置蜜錕鋳端或者
如舐掌金醉墨諫果核火花云青子香名壓衆葩味餘
留核競朱華初疑殘燭將成燼一笑如蘭已吐芽金鴨
烟消添熠爚銀屏夜冷鬪橫斜也知不負堅貞質瞽眼
能開七七花宋吳禮之浣溪沙詞云南國風流是故鄉
紅鹽落子不因霜於中小底宸珍藏薦酒薦茶此子澀
透心透頂十分香可人迴味越思量黃山谷好事近詞
云瀟灑薦冰盤滿座暗驚香集久後一般風味問幾人

知得畫堂飲散已歸來清潤轉更惜留取酒醒時候助
茗甌春色近時陳其年水調歌頭詞云造物有本性此
味最高嚴清芬却帶酸澀品格壓黃柑多少橘官軟美
無數荔奴甘滑側目看新參諫議爾之職羶毳我何堪
折煩熱開結轆滌塵凡頗聞人語輸與崖蜜十分甜長
揖水晶人退不詣內黃侯謝徑自返漳南獨醒頗相憶
搖落在江潭吳穀人詠橄欖核花解語花詞云將烟曳
辦借燄分花重叠抽無數托根蘭炷前身換朶朶竝頭
嬌嫵餘愁怎訴只半晌燈唇如語拚攪殘香膩銅盤蠟
淚如紅雨宿醉憑伊解取記青青子好羅袖偷貯玉漿

消去颭深宵閃閃熱中無主殘煤寸許料幽谷無人吟
賦纔省知回味都無問此心灰否

附錄

餘甘子一名菴摩勒見梵書又名摩勒落迦果木高一

二丈枝條甚軟葉青細密朝開暮斂如夜合春生冬凋
三月有花著條而生色黃如粟粒實似李青黃色味類
橄欖宋張于湖孝祥詩云甘言誤我三折臂良藥為洗
五年腸欲知苦過味方永請試君家肘後方此老才堪
上諫坡南州留滯意如何還將苦口劇英主醫國懸知
藥籠多苦愁人意未相諳卒以初嘗廢後甘王氏有詩
旌橄欖可憐遺味在巴南涪翁以味諫軒名蔡次律家

小軒以外植餘甘子也其後王宣子予以橄欖送翁翁
賦詩云方懷味諫軒中果忽見金盤橄欖來想與餘甘
有瓜葛苦中真味晚方回劉屏山詩云炎方橄欖佳餘
甘豈苗裔風姿雖小殊氣韻乃酷似醉顏澀吻餘髣髴
清香至侯門收寸長粉骨成珍劑猶聞雜蜜草少轉森
嚴味竒材用不專雖用何殊棄端知効苦言逆耳多嫌
忌棄果事何傷違言德之累悅口易逢知感茲發長喟
山谷更漏子詞云菴摩勒西土果霜後明珠顆顆憑玉
兔搗香塵稱為席上珍號餘甘爭奈苦臨上馬時分付
管回味却思量忠言君試嘗

錄附木威一名烏欖生嶺南山谷樹高丈餘葉似棟子如楸
欖而堅亦似棗削去皮可為粽食

山茶花勁品也一名曼陀羅樹一名茶梅以葉類茶又可
作飲故得茶名淺曰玉茗深曰都勝小曰海紅大曰月
丹有紅白粉紅黃各色十月開至二月有鶴頂茶瑪瑙
茶寶珠茶楊妃茶焦萼白寶珠正宮粉賽宮粉石榴茶
海榴茶菜榴茶躑躅茶真珠茶串珠茶雲茶磬口茶菜
莉茶一捻紅照殿紅千葉紅千葉白之類就中寶珠為
佳蜀茶更勝廣州有南山茶海雲院有連理山茶滇中
茶花記種類七十有二壽經三四百年大于牡丹高竦
四五丈大可合抱蟠根輪囷可憑而几可藉而枕豐葉
森沈如幄性耐霜雪次第開放水養瓶中十餘日頽色

不變花經山茶七品三命瓶花譜黃白山茶二品八命
蜀茶三品七命瓶史山茶鮮妍石氏之翹風羊家之靜
婉也黃白山茶韻勝其姿郭冠軍之春風也唐司空表
聖句云牡丹枉用三春力開得方知不是花宋東坡和
子由開元寺山茶云長明燈下石闌干長共松杉鬪歲
寒葉厚有稜犀甲健花深少態鶴頭丹久陪方丈曼陀
雨羞對先生首著盤雪裏盛開知有意明年歸後更誰
看又王伯敷所藏趙昌山茶云蕭蕭南山松黃葉墮勁
風誰憐兒女花散火冰雪中能傳歲寒姿古來惟邱翁
趙叟得其妙一洗膠粉空掌中調丹砂染此鶴頂紅何

須誇落墨獨賞江南工又題趙昌山茶云遊蜂掠盡粉
絲黃落蕊猶收蜜露香待得春風幾枝在年來殺菽有
飛霜曾子固以白山茶寄吳仲庶云山茶純白是天真
筠籠封題摘尚新秀色未饒三伏雪清香先得五峰春
瓊花散漫情終蕩玉蕊蕭條跡更塵遠寄一枝隨驛使
欲分芳種更無因陶商翁詩云淺為玉茗深都勝大白
山茶小海紅名譽漫多朋援少年年在雪霜中江南
池館厭深紅零落空山烟雨中却是北人偏愛惜數枝
和雪上屏風朱元白詩云珍木何年種繁英滿舊枝開
送殘雪裏盛過牡丹時對日心全展凌風幹不歌藥階

如賦詠欠此尚相思謝幼槃玉茗花云佳園昨夜變春
容清曉驚開玉一叢素質定欺雲液白淺糝羞退鶴翎
紅似聞金谷初無種欲畫鵝溪恐未工底事餘花避三
舍孤高元有使君風騷人漫說麻源谷本是風流刺史
家直與瑤林共高徹可須梅影鬪橫斜芳尊莫待紅糝
賞幽豔長令烈士嗟憑仗邊鸞折枝手應宜展障玉鴉
又王梅溪句云道人贈我歲寒種不是尋常兒女花石
湖詩云追趁新晴管物華馬蹏鬆快帽檐斜天南臘盡
風晞雪冰下春來水漱沙已報主林催市柳仍從掌故
問山茶豐年自是歡聲沸更著牙前畫鼓搗又云門巷

歡呼十里村臘前風物已知春兩年池上經行處萬里
天邊未去人客鬢花身俱歲晚糴光酒色且時新海雲
橋下溪如鏡休把冠巾照路塵放翁詩云東園三日雨
兼風桃李飄零掃地空惟有小茶偏耐久綠叢又放數
枝紅又詩云雪裏開花到春晚世間耐久孰如君憑闌
歎息無人會三十年前宴海雲誠齋詩云樹子團團映
碧岑初看喚作木犀林誰將金粟銀絲贈簇釘朱紅菜
椀心春早橫招桃李妬歲寒不受雪霜侵題詩畢竟輸
坡老葉厚有稜花色深張功甫白山茶云勝韻初開不
記年偶逢俄在軟紅邊山礬不遇南昌老爭得嘉名亞

水仙屋角春聲喜報晴青裳玉面曉粧明為君自斷天
休問依倚清香樂此生劉後村詩云青女行霜下曉空
山茶獨殿衆花叢不知戶外千林縞且看盆中一本紅
性晚每經寒始折色深却愛日微烘人言此樹尤難養
暮漑晨澆自課童俞玉亭國寶詩云花近東溪居士家
好攜尊酒款攜茶玉皇收拾還天上便恐筠陽無此花
玉潔冰寒自一家地偏驚對此山茶歸來不負西游眼
曾識人間未見花元郝凌川月丹云小艇移來江漲橋
盤盤矮矮格仍嬌丹霞皺月瑀紅玉香霧凝春剪絳綃
一種是花偏富貴三冬無物比妖嬈廣寒記憶曾攀折

滿殿光搖照紫霄馬伯庸題折枝山茶云火齊珠紅拂
翠翹石家步障曉寒消千枝蠟炬燒春夜羯鼓催花打
六么無名氏句云勁節不摧岷嶺雪芳姿偏受建溪風
明于念東詩云丹砂點雕藥經月獨含苞既足風前態
還宜雪裏嬌陳若愚詩云丹葩間碧葉雪中自重叠山
人倚醉時奈可映頰頰窮冬多雪霰柔脆已先摧不是
丹砂質寧能醉後開沈石田詩云老葉經寒壯歲華猩
紅點點雪中葩願希葵藿傾忠膽豈是爭妍富貴家王
麟洲世懋白扇面山茶云紅頰的自蕊珠來丹粒還宜
勾漏栽今日一枝紈扇裏分明春早雪中開張銘盤寶

珠山茶云胭脂染就絳裙襪琥珀裝成赤玉盤似共東
風解相識一枝先已破春寒又楊妃茶云曾將傾國比
名花別有輕紅暈臉霞自是太真多異色品題兼得重
山茶瞿宗吉白山茶云消盡林端萬點霞叢叢綠葉襯
瑤華寶珠買斷春前景宮粉妝成雪裏花餘子竟傳丹
竈術此身甘傍玉川家江頭梅樹無顏色何況溪邊瑞
草芽蘇伯衡劉先生齋閣前山茶一枝並蒂因效柏梁
體云朔風翦冰雨雪零萬木蕭條凍且僵青藜丈人鈴
閣傍山茶作花紅錦糴中有一枝並蒂香符彩爛若雙
鴛鴦嫣然占盡三春光皇英來自雲中央赤旗翠節兩

作行阿母笈執瑤池觴仙童雙雙吹鳳凰綵女齊綰珊
瑚璫麗色照耀青霞裳芳氣氤氳滿中堂大君尺劔空
八荒牛歸桃林馬華陽百度既貞四維張禮樂誰云謙
未遑制作直欲追虞唐丈人今之杜與房主臣合德真
明良朝夕左右扶維綱餘子議論安敢當一朝嘉惠錫
后皇乃是人文發禎祥玉局仙子喜欲狂更祝人文壽
而康黼黻鴻猷煥天章嘉樹呈瑞垂無疆近時宋牧仲
玉茗花云雙樹連蜷傍檻斜園丁喚作白山茶種疑后
土廟中得名自臨川堂畔嘉灌溉每同蓂蔔惜陰森還
借海榴遮春前看取開如雪細咏西江第一花朱竹垞

牙方陸筆
卷一
詩云海紅亦嘉樹恰與小牕對十月已試花娟娟良可
愛孤根託招提冷豔免簪佩曉起雪漸深我心始焉瘁
既慮苞蘖催兼恐顏色退熟知歲寒姿凜烈性所耐譬
蒙縞素衣嫣然逞餘態畫師貪此景往往入圖繪或描
江梅魚或取水仙配分明黃趙筆只少鶉雀隊寫生韻
遜真比調朔繼晦芳菲正有時改歲游可待趙雲崧寶
珠山茶云季倫珊瑚高七尺賈胡貴銜紅刺石天公憐
我蕭齋陋賜以寶珠滿院赤山茶難得千瓣妍况復老
幹數百年吾家獨擅此竒古其根拔地枝摩天胚胎含
英隔年結繭栗春來始綻裂大瓣外張六出竒細瓣中

噴一腔熱不知何物染得成世間無此猩猩血東風一
吹千萬朶高下都開笑口歌能熊日午光絳天嚇得鄰
家來救火火齊木難枉擅名以名嘉樹乃真可此時安
得無杯盤爰邀素心來盡歡家貧不能列歌舞借此聊
作紅粧看便如張鎡畫堂晏妖姿十隊胭脂丹又如三
千殿脚女錦衣袿服明江干尊前忽然大富貴景象一
洗儒生酸斜陽過牆日將夕花光流豔照坐客樹老花
愈紅人老頭愈白白頭映紅花頓覺老態失未醉已覺
朱顏酡大得此花增氣色金醉墨洋山茶云外洋名卉
最芳柔異種遙從絕域收宮粉寶珠輪豔色海紅樓子

賽殊尤塗朱欲笑安榴重琢玉休誇蒼蔔稠見說神州
竒樹好星槎便作載花舟陳其年白山茶花犯詞云對
西風亭亭一樹箇儂好風味和烟和月也無人憐惜不
勝清麗水晶簾額深深倚天寒私自喜似小玉夜長無
伴上床鋪粉被珠牕一層障踈花似無還似有共人憔悴
愁殺是清霜輕墜記一種紅顏窈窕曾開在三春臺
榭裏只薄命年年流落秋天涼著水又楊妃山茶宴清
都詞云幾朶僧房吐東風裏胭脂淺淡偷注空王齋院
豔陽天氣私香盈樹隣娃漫鬪輕盈儘玉茗明粧縞素
總輸伊睡足春酥臉潮分外嬌嫵憑欄小字輕呼花如

解恨暗垂紅筋依稀記得寧王玉笛花奴羯鼓古佛堂
西弄影悵舊日花容何處又夜來細雨霖零黯然而無語